



साःगु भिंगु मरिचरिया नितिं लुमका दिस्सै !

लक्ष्मण जमाल /चिलिभि'
प्रोप्राइटर

लाखा छेँ
LAKHA CHHEN

सोह्रखुटे, वडा नं. १६, येँ, फोन नं. : ४४६०७५८

बालेनं सुकुम्बासी बस्ती थी गयात जेनजी अलाइन्सया ख्याच्चःलिपा ज्या दिफल

लहना वाःपौ/
जेनजी अलाइन्सया ख्याच्चः लिपा येँ महानगरपालिका व उपत्यका विकास प्राधिकरण वंगु आइतवाः निसै स्वनिगः जःखःया खुसी सिथय् च्वंगु सुकुम्बासी बस्ती चीकेगुलिं लिचिउगु खँ सीदुगु दु । थ्व स्वयां न्हयः येँ महानगरपालिका व उपत्यका विकास प्राधिकरण छवाःया ई बियाः सुकुम्बासी च्वंगु बस्ती चीकेत सुचं जारी याःगु खः ।

उगु सुचं लिपा सुकुम्बासीतयसं थःपिंत महानगरपालिकां कानुन अःखः चीकेगु कुतः याःगु धासै उकियात कयाः विरोध याःगु खः ।

उकिया दथुइ जेनजी अलाइन्स विज्ञप्ति हे जारी यानाः महानगरपालिकाया ज्यायात कयाः गम्भीर आपत्ति प्वंकुसै तत्काल सुकुम्बासी बस्तीइ गुगुं न कथंया हस्तक्षेप मयायेत खबरदारी याःगु खः । जेनजी अलाइन्स आइतवाः विज्ञप्ति जारी यासै सुकुम्बासी बस्ती बल छ्यलेगु पलेसा समस्याया स्थायी समाधान मालेत येँ महानगरपालिकायात सुभाब बिउगु खःसा लिसै गुगुं न कथंया विकल्प मबिउसै सुकुम्बासीतयत चीकेगु खँ थःपिंत मान्य मजुगु खँ न धाःगु खः ।



अलाइन्स भूमिहीन सुकुम्बासी लिसै अव्यवस्थित बसोबासी न्हापा हे कष्टपूर्ण जीवन यापन यानाच्च्वंगु व उमि थप प्रहार यायेगु देय् दुने हे आप्रवासी थेंज्याःगु व्यवहार यायेगु निन्दनीय जूगु ठहर नं याःगु खः ।

अलाइन्स जारी याःगु विज्ञप्तिइ धयातःगु दु, महानगरपालिकां माकव अध्ययन व उपयुक्त विकल्प मबिउसै

बस्तीइ डोजर चले यायेगु तयारीइ थःपिनिगु गम्भीर ध्यानाकर्षण जूगु दु धासै विद्यमान कानुन बस्ती चीकेगु प्रक्रिया बारे स्पष्ट व्यवस्था यानातःगुलिं उकियात पूमवंकूसै आतक व भयया वातावरण ब्वलंकूगु द्वपं नं बियातःगु दु । थ्वहे इवलय् येँ महानगरपालिकां उच्च ओहोदाय् च्वनाः सार्वजनिक जग्गा कब्जा यानातःपिं व्यक्ति व

संस्थाया जग्गा निं लित कायेगु योजना न्ह्याकूगु खँ सीदुगु दु ।

महानगरया कथं उच्च ओहोदाय् च्वनाः कब्जा यानातःगु जग्गा लित हयेगुलिं विशेष ध्यान केन्द्रित याःगु दु ।

उकिया नितिं येँ महानगरपालिकां नापी नक्सा सहित प्राविधिक पुचःयात फिलडय् खटे यानाः अतिक्रमित क्षेत्र म्हासिकेगु व मापन यानाच्च्वंगु

खँ धाःगु दु । थ्व प्रक्रिया पूवनेवं हाइ प्रोफाइलपिसं कब्जा यानातःगु जग्गा लित कायेगु प्रक्रिया न्ह्याइगु खँ धाःगु दु ।

येँ महानगरपालिकां बस्ती खाली यायेत विज्ञप्ति जारी याःसां नं उकियात तत्काल कार्यान्वयन मयाइगु खँ नं सम्बन्धित व्यक्तिनयसं धाःगु दु ।

थ्वहे इवलय् सी दु कथं सहरी विकास मन्त्रालयं नं तत्काल सुकुम्बासी बस्ती मखुसै हाई प्रोफाइल च्वनाः सार्वजनिक जग्गा कब्जा यानातःपिनिगु जग्गा लित कायेगु योजना दयेकाच्च्वंगु खँ धाःगु दु ।

मन्त्री घिसिङ नं तत्काल सुकुम्बासी बस्तीयात चीकेगुलिं अनिच्छुक जूगु खँ धाःगु दु ।

मन्त्रालयं योजना दयेकाः हे हाइ प्रोफाइल कब्जा यानातःगु जग्गा लित हयेगु कथं ज्या न्ह्याकाच्च्वंगु खः ।

शुकी विशेष यानाः राजनीतिक पार्टीया संरक्षण कयाच्च्वपिं व नेपाल सरकारया उच्च ओहोदाय् च्वनाः अवकाश कायेधुंकूपिसं कब्जा यानातःगु जग्गा लित हयेगुली विशेष ध्यान बियाच्च्वंगु खँ धाःगु दु ।

(तस्वीर : सामाजिक सञ्जाल)

ब्रह्मा देगः उलेज्या जुल

लहना वाःपौ/
येँ महानगरपालिका-८ जयबागेश्वरी, गायत्री मार्ग च्वंगु ब्रह्मा देगः उत्खनन् लिपा पुनर्निमाण यानाः उलेज्या यायेगु ज्या जूगु दु । उगु देगः येँ महानगरपालिकाया प्रमुख बालेन साह उलेज्या यानादीगु । उपप्रमुख सुनिता डंगोल, प्राचीन स्मार कयाः जीवन कथं दूगु आकृति, मूर्ति नापं कलाकृति पुनरुत्थानपाखें सांस्कृतिक सहरया म्हासिका पुनःस्थापित यायेत योगदान बिइ धयादिल ।

वय्कलं धयादिल, 'गन मूर्तियात पुजा याइ । मूर्तियात अन हे

तयेमाः । थुकियात जिमिसं अभियान कथं न्ह्याकायकागु दु ।' थ्व देगः तनाच्च्वंगु हे १०० दै स्वयां अप्वः दयेधुंकूगु खः ।

येँमपा-८ या वडानायः नापं सम्पदा व पर्यटन समिति या कजि आशामान संगतया कथं १९९० साल न्हयः हे देगः भग्नावशेष जूगु खः । अर्नीलिपा भाः जक दयाच्च्वंगु खः । पुरातत्व विभागया ग्वाहालिइ देगः उत्खनन् यानाः थुकिया प्राचीनताया अध्ययन याःगु खः ।

संगतं धयादिल, 'अध्ययन ल्यं ७ पेजय्

Trendiest Fashion
At Price You Love

ufo the clothing store
#FASHIONWITITUDE

तांतःया पासा
कुल्फी व आइसक्रीम
भापिया दिस्सै । **Himalayan Ice**

घौ, दुरु, ह्याः, बटर व
क्रिम बजारय् उपलब्ध दु

सुर्यविनायक नगरपालिका, वडा नं. १, सिरुटार धम्मसार, खप्त
४४०८६०८७२५, ४४४६६४८३२५



नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्ध्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वँय् थ्व हे खः ज्यान भी सकस्यां छगू
जातितय् स्वायत्त राज्यं लुइ कपं च्वय् भिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



सरकार निर्वाचनय् केन्द्रित जुइमा:

जेनजी आन्दोलन व ल्याय्म्ह तयेगु बलिदानीपाखे वःगु ह्यूपयात संस्थागत यायेत निर्वाचन याकेगु संवेदनशील कायदेशि ज्वनाः नीस्वंगू सरकार म्वाःमदुगु विवाद मवयेमाः धकाः सकस्यां अपेक्षा याइगु स्वाभाविक खः। फागुन २१ गते क्वःछिउगु प्रतिनिधिसभा निर्वाचन ताः लाकेगु स्वयां सरकार विवादास्पद निर्णय यायेगुलि तक्यना च्वंगु दु।

छगू दसु 'ट्याक्स हेभन कन्ट्री' मोरिससपाखे नेपालय् लगानी याःगु डोल्मा इम्प्याक्ट फन्डयात आयकर छुट बिइगु विवादास्पद निर्णययात काये बहज्। प्रत्यक्ष वैदेशिक लगानी (एफडीआई) या नितिं नेपालय् वैदेशिक लगानीं नागरिकया नितिं रोजगारी दइगु व राज्यया नितिं राजस्व सुनिश्चित याइगु जुयाः उकी आकर्षण जूगु खः अथे ला रोजगारी व राजस्व धइगु थगु देय्या नितिं स्रोत साधन व बजार उपलब्ध जुइगु धइगु बालागु खँ खः।

नेपालय् लगानी यानाः कमे यायेगु आम्दानी याःगु बापत पुलेमाःगु सामान्य दायित्वपाखे डोल्मायात छुट बिइगु निर्णय सरकारं यायेवं तःधंगु न्ह्यसः ब्वलंगु दु। थुकिइ मोरिसस नाप जुगु सन्धिया विवादास्पद व्याख्या तक जूगु दु। जब कि, आम्दानी पुलेमाःगु करय् मुक्ति बिइगु कथं सन्धिया व्याख्या यानाः कर छुट बिइगु सरकारी अधिकारी तक तयार मज्गु खः। कर्मचारीतय्त लिपा तक कानुनी भ्रमेला वइगु, सरकारया छवि स्यनिइगु व मू आज्जु उखे थुखे जुइफुलि थुगु निर्णयपाखे सरकार लिचिलेमाः।

जेनजी आन्दोलन लिपा भदौ २७ गते सुशीला कार्कीयात प्रधानमन्त्री नियुक्ति याःगु इलय् राष्ट्रपति रामचन्द्र पौडेलं निर्वाचन यायेगु दायित्व अन्तरिम सरकारया खः धकाः स्पष्ट कथं धाःगु खः। तर सरकारं निर्वाचन यायेगु स्वयां मेमेगु ज्या तक्यना वयाच्वंगु खनेदु। छू ई न्ह्यः जक ११ देय्या राजदूत लितः सतूगे निर्णय न विवादय् लाःगु दु। सर्वोच्च तक उगु निर्णय कार्यान्वयन मयायेत आदेश बिउगु खः। उगु आलोचनापाखे पाठ मसेकुसे हाकनं डोल्मायात कर छुट बिइगु निर्णय याःगु दु। मोरिससनाप याःगु सन्धिया व्याख्या यानाः डोल्मायात कर छुट बिइगु उलि अपू मज्गु। छायां धाःसा, आयकर ऐन २०५८ नं अन्तर्राष्ट्रिय सन्धि-सम्झौता कथं नेपालय् कर छुट बिइगु नितिं उगु कम्पनी सम्बन्धित देय्या लगानी म्होति नं ५० प्रतिशत जुइमाः।

ऐनया दफा ७३ या उपदफा ५ (ख) नं थुगु व्यवस्था स्पष्ट च्वयातःगु दु। तर, मोरिससया साइबर सिटी, मयावा टावरया कार्यालय तयाः दर्ता याःगु डोल्मा म्यानेजमेन्टय् मोरिससया लगानी धाःसा ०.७५ प्रतिशत जक खः। डोल्मां नेपालय् वर्ल्डलिंक, सेञ्चुरी मसला, फुडमान्डु, क्लाउड फ्याक्ट्री होल्डिङ्स, फ्युजमसिन्स, उपाय सिटी कार्गोय् लगानी यानातःगु दु। सेतीखोला हाइड्रोपावर, श्वेत गंगा हाइड्रोपावर एन्ड कन्स्ट्रक्सन, मकर जितुमाया सुरी हाइड्रोपावर, सोलार फार्म, नेसनल पाथ ल्याब्स्, निदान हस्पिटल, चिरायु अस्पताल, रोडोडेन्डोन बायोटेक प्रालिङ डोल्मापाखे लगानी यानातःगु खः। थुगु कम्पनीइ जलविद्युत् आयोजना नाफाय् दुसा मेमेगु धाःसा घाटाय् दु।

दक्षिण एसियाया जेनजी आन्दोलन व नेपाः-१



अपेश महर्जन

नेपालय् भदौ २३ गतेया जेनजी प्रदर्शन व २४ गतेया हिंसात्मक गतिविधि जगु नं निला फुइधुंकल। फागुन २१ गते जुइगु प्रतिनिधिसभाया निर्वाचनया नितिं निर्वाचन आयोगं दल दर्ता यायेत आह्वान यायेवं छुं दलतय्सं दल दर्ता नं यायेधुंकूगु दु। चुनाव बहिष्कार यानाः एकीकृत क्रान्तिया वकालत यानाच्चगु नेत्रविक्रम चन्दया पार्टी तक न्हापांखुसी चुनावय् ब्वति काइगु जूगु दु। छुं पार्टीत तज्यायेगुया लिसें न्ह्यु पार्टी नं अस्तित्वय् वःगु दु। छुं पार्टी विशेष वा नियमित महाधिवेशन यायेगु, चुनाव न्ह्यः वा लिपा धइगु बहस यानाच्चंगु दु। थुगु घटनाक्रमयात स्वयेगु खःसा छुं दै न्ह्यः बंगलादेश व श्रीलंकाय् जूगु जेनजी आन्दोलनं नेपाः व नेपाःमि जनता जक मखु राजनीति पार्टीतय्सं नं पाठ सयेके फइ।

कम्युनिष्ट पार्टीया उदय

सन् १९३५ या डिसेम्बर १८ मा रुसको कम्युनिष्ट विचारबाट प्रभावित भएर बेलायती उपनिवेश छँदै लंका सम समाज पार्टी (एलएसएसपी) या स्थापना जूगु खः। थुगु पार्टी रुसया कम्युनिष्ट विचारक टाटस्कीपाखे प्रभावित खः। सन् १९४० या दशकय् श्रीलंकां बेलायती उपनिवेश अन्त्यय् थुगु पार्टी भूमिका म्हितूगु खः। बेलायती उपनिवेशकालय् हे न्हापांगु पार्टी नं खः।

सन् १९४३ सं थुगु हे पार्टी विद्रोह यानाः मार्क्सवाद व लेनिनवादयात विचार निर्देशक सिद्धान्त नालाः श्रीलंका कम्युनिष्ट पार्टी स्थापना जुल।

थुगु पार्टी विद्रोह यानाः चिनियाँ कम्युनिष्ट पार्टीलिसे सःतिपि नेतातय्सं विद्रोह यानाः सन् १९६४ श्रीलंका कम्युनिष्ट पार्टी (माओवादी) या जन्म जुल। रोहना विजेवीरा नं थुगु पार्टीइ दुथ्यात तर क्रान्तिकारी कार्यनीति मदुगु धासं सन् १९६५, मे १४ सं जेभीपी स्थापना यात। शिक्षित, ग्रामीण सिंहली व तमिल युवातय्त संगठित यात। मार्क्सवादी, क्युबाली व चिनियाँ क्रान्ति सहित साम्राज्यवाद विरोधी आन्दोलनं प्रेरित जूगु खः। थुगु पार्टी तमिल आत्मनिर्णयया अधिकार व लिवेशसन टाइगर्स अफ तमिल इलम (एलटीटीआई) या विरोध याइगु खः।

निगू असफल विद्रोह

सन् १९७१ सिरिमा बन्दरानायके सरकारयात अपदस्थ यानाः समाजवादी राज्य स्थापना यायेगु नितिं थ्यंमथ्यं १२ हजार लडाकु दस्ता व ८० हजार समर्थकसहित शसस्त्र विद्रोह जेभीपी न्ह्याकल। ५ अप्रिल न्ह्याःगु विद्रोह जुनय् असफल जुयाः मन्त। सरकारय् धाःसा मेगु कम्युनिष्ट पार्टीतय्गु नं

ब्वति दुगु खः। थुगु विद्रोहलय् ६३ म्हा सुरक्षाकर्मी सित धाःसा करिब २० हजार जेभीपी समर्थित युवात सित। जेभीपी सन् १९८२ या राष्ट्रपति चुनावय् नेता विजेवीरां मुक्कं ४ प्रतिशत अथेधयागु २ लाख ५० हजार भोट काःगु खः।

उत्तर व पूर्वी श्रीलंकाय् बसोबास याइपिं ३० लाख तमिलतय्सं थःगु नितिं बिस्कं राज्य तमिल इलमया माग तसें सन् १९७६ सं भेलुपिल्लार् प्रभाकरणं शसस्त्र संगठन लिवेशसन टाइगर्स अफ तमिल इलम एलटीटीआई नीस्वनेवं हिंसात्मक गतिविधि अप्वयेकल व



उगु क्षेत्रं श्रीलंकाया सरकारी सेनायात विस्थापित यात। लिचवः कथं उगु क्षेत्रय् भारतीय सेनाया ग्वाहालिइ श्रीलंकां एलटीटीआईयात मदयेकेत भारत-श्रीलंका सम्झौताय् हस्ताक्षर यायेधुंकाः भारतीय सेनायात श्रीलंकाय् दुहां वनेगु अनुमति बीधुंकाः जेभीपी थुकियात राष्ट्रिय सार्वभौमिकताय् खतरा धासं मेगु विद्रोह न्ह्याकल। दोस्रो जेभीपी विद्रोह सन् १९८७, अप्रिल १५ न्ह्यानाः सन् १९८९, डिसेम्बर २९ तक निदँ गुला व भिष्यन्हु तक न्ह्यात। सन् १९८९, नोभेम्बर १३ सं जेभीपीया ४६ दँया नेता रोहना विजेवीरा राजधानी कोलम्बोया बोरेलाय् सेनाया गोलीं सीवं विद्रोह नं दित। उगु इलय् श्रीलंकाया स्वम्हम्ह राष्ट्रपति रनसिंगे प्रेमादासा खः।

थुगु विद्रोह छापामार युद्धया रूपय् न्ह्याःगु खः। विद्रोहलय् ७ स्वयां अप्वः सरकारी सेना सीगु खःसा विद्रोहलय् ६० हजार युवात सित सा २० हजार बेपत्ता जुल। जेभीपीया नेता विजेवीरा सहितया नेतात मदयेवं निगुलिं असफलता विद्रोहया पाठ सयेकाः सशस्त्र संघर्ष त्याग यानाः मूलधाराया संसदीय राजनीतिइ दुहां वन।

मूलधारया राजनीति

विद्रोहल् ल्यपिं नेतातय्सं हाकनं थुगु पार्टीयात जीवन्त यायेगु कुतः यात व सन् १९९४ या निर्वाचनय् ब्वति कायेगु तयारी याःसां नं लिपा प्रतिपक्षी राष्ट्रवादी दलयात समर्थन यात। सन् २००४ सं थुगु दलं नं सरकारय् ब्वति काल। तर सन् २००२ या एलटीटीई लिसे जूगु युद्धविराम सम्झौता व सन् २००४ या सुनामीइ राहत वितरणय् असन्तुष्टि प्वकूसें सरकारं पिहां वल। सन् २०१४ निसं आः तक श्रीलंकाया राष्ट्रपति अनुरा कुमारा दिस्सानायके पार्टीया अध्यक्ष जुयाच्चंगु दु।

सन् २०१९ निसं थुगु पार्टीया नेतृत्वय् २१ गू राजनीतिक दलया

मंकाः मोर्चाया रूपय् राष्ट्रिय जनशक्ति वा नेसनल पिपुल्स पावर (एनपीपी) नीस्वंगु खः। नीस्वनेधुंकाः सन् २०२० या प्रतिनिधिसभाय् थुगु जेभीपी/एनपीपी मुक्कं ३ सिट त्याकाः स्वंगुगु दलय् चित्त बुभ्ने यायेमाल।

जेनजी आन्दोलन लिपा जूगु चुनावय् थुगु जेभीपी/एनपीपी कम्पास चुनावी चिं काःगु खः। मोर्चा (वास्तविक जनतां त्यायेमाः) धइगु नारा बियाः सन् २०२४ या राष्ट्रपति चुनावय् विजय जुल। वयां लिपा जूगु निर्वाचनय् २२५ सिटया प्रतिनिधिसभाय् १५९ सिट बहुमत हयाः न्हापांखुसी श्रीलंकाय् कम्युनिष्ट

(माओवादी विचाः तइगु) सरकार दयेकल। उक्तथं हे ३४१ स्थानीय तहलय् २६६ सिट त्याकूगु दुसा ७ हजार ८४२ सदस्यय् ३ हजार ९४२ सदस्य नं त्याकेत सफल जूगु दु। सन् १९८३ सं करिब ३ लाख पार्टी सदस्यता दुगु पार्टीइ सन् २०२४ सं २५ लाख सदस्य दु।

श्रीलंकाय् जेनजी आन्दोलन

जेभीपी/एनपीपी युवा नेता गुपिं जेनजी मखु अनुरा कुमारा दिसानायके (एकेडी) फुकसिया विश्वास त्याकेत ताःलात। परिवारवादय् लिंकुनाच्चम्ह अनया राजपक्ष सरकार २०२२ या आर्थिक संकट, बेरोजगारी, अति मुद्रास्फीति, इन्धन तथा खाद्यान्न अभावयात ज्यंकेगु पलेसा सरकारय् च्वनाः भ्रष्टाचारय् दुन। सामाजिक सञ्जालय् पहुँच दुपिं शिक्षित युवातय्सं थज्याःगु परिस्थिति विरुद्ध सः थ्वयेकाः सतकय् वल।


राष्ट्रपतियात बिसिउँ वनेमाःगु बाध्य याःगु अरगालय जनआन्दोलनया अग्रपंक्तिइ दुगु व आन्दोलन नेतृत्वविहीन जुयाच्चंगु खः। जेनजीतय्सं आः तक सत्ताय् मथ्यपित ल्यल। व गुबसं सत्ताय् मथ्यंम्ह एकेडी अर्थात् अनुरा कुमारा डिस्सानायकेयात सेप्टेम्बर २०२४ स राष्ट्रपतिइ निर्वाचित यात। बेलायतं श्रीलंका त्वःतेधुंकाः दकलय् न्हापां कम्युनिष्ट प्रधानमन्त्रीया रूपय् नालाकाल।

अनया कम्युनिष्ट जक पुलांगु राजनीतिक दलया विकल्प जुइ फइ धकाः जेनजीतय्सं थुगु पार्टीयात अत्याधिक भोट बियाः राष्ट्र प्रमुख व सरकार प्रमुख निगुलिं त्याकेगु ज्या यात। आपालं ल्याय्म्हतय्सं छम्ह जक विश्वसनीय, गैर-भ्रष्ट समाजवादी विकल्पया रूपय् काल। एकेडीया अप्वया वनाच्चंगु लोकप्रियता वं हःगु युवालिसे सम्बन्धित राजनीतिक जागरणया न्ह्यु लहर न्ह्यानाच्चंगु दु।



डा. विधुप्रकाश कायस्थ

राजनीतिक
अभियानयात अप्वः
धया थें लोभलाजो
नारा व आकर्षक
सभाया माध्यमं
न्हयब्वइ । प्रगतिआ
भ्रम ब्वलंकी । तर
सतहया च्वय् लागत
अप्वया वनाच्चंगु,
अपर्याप्त सार्वजनिक
सेवा, अवसरया
अभावलिसें मनूतय्गु
निहथंया संघर्ष जारी
हे जुयाच्चंगु दु ।
च्वय् बियातःगु
बाखनय् सम्राटया
सल्लाहकारत
थें नागरिकत नं
यथार्थयात लिधंसा
कयाः न्हयसः
तयेगुलिइ हिम्मत
यायेत लिचिलाच्चंगु
दु ।





राम प्रजापति
प्रोप्राइटर

हारती मिठाई भण्डार

(शुद्ध शाकाहारी)

कालिमाटी चौक, टंकेश्वर मार्ग, काठमाडौं ।
फोन नं. : ०१-५३७२९९९, मो. ९८०२९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।

[illegible]



लहना वाःपौ/ यैया न्यतभुलु अजिमा नरदेवी श्वेतकाली प्याखँ भ्वतय् क्यनेगु ज्या जूगु दु। भ्वतया ऐतिहासिक लायूकु दबुली न्ह्याःगु प्याखँ स्वनहु तक क्यंगु खः। वंगु बिहीवाः ख्वपं विधिवत रुपय् द्यःया प्रतिमा हःगु खःसा भ्वतया पुलबजारय् लसकुस यायेधुंकाः प्याखँ न्ह्याःगु खः। वंगु बिहीवाः बहनी न्हापांगु चरणया प्याखँ हुइकेगु ज्या जूगु खःसा कन्हय् कुन्हु शुक्रवाः सुर्घ लुइधुंकाः करुणामय (सथःमाजु)या विधिवत् पुजा यायेधुंकाः द्यः प्याखँ हुइक्गु

खः। निन्हु कुन्हु सुथय् प्याखँ हुइकेगु इवलय् सुथः माजुया ख्वालय् निभालं खयेमाःसा द्यः लुकु बीवं न्ह्याइगु प्याखँ ८ बजे तक हुइकेगु ज्या जूगु खः। लिपांगु न्हि कुन्हु शनिवाः लायूकु दबुली आखा छैय् विधिवत् पूजा क्वचायेवं द्यः प्याखँ हुइकेगु ज्याइवः क्वचाःगु खः। भ्वतय् द्यः प्याखँ हुइकेगु व्यवस्थापनया जिम्मा भ्वैत नगरपालिकां काःगु खःसा फुक्कं खर्च नरदेवी श्वेतकाली संरक्षण तथा व्यवस्थापन समाजं याना वयाच्वंगु खः। (तस्वीर : श्रीजल महर्जन)

ताम्रकार समाज यलया भिंतुना कालबिल ज्याझ्वः



किपा : नृपेन्द्र लाल श्रेष्ठ
हर्क बहादुर श्रेष्ठ

हिराया मू बाखं दुनेया असमंजस लुइकाबलय



सुधीर रवबि

निष्पक्ष मन् सु खना नं ग्याइमखु धाइ। इमित सुं नं तं चाइला धइगु ग्याःचिकु दइ मखु। थःगु ब्रम्हं छु खन व न्वं वाइ। चापलुसी भाय् छु यली मखु। सत्यतथ्य न्वं वाइ। थूपिसं सहर्ष नालाःकाइ। आलोचना पचये यायेमफुपिं तंचाइ।

थ्व सामान्य मानवीय स्वभाव खः। तं चाइला धकाः म्हुतिइ कस्तिल्लाः न्वं वाइपिं समिक्षक वा समालोचक जुइ फइमखु। भाषाय् शिष्टता आवश्यक जुइ। व्यावहारिकताया महत्व दयाच्चनी। व्यक्तिया प्रकृति कथं प्रस्तुती शैली, बोली चाली कथं मिजास बांलाः बांमलाः जुइफु। खँ नायगु वा छाःथें जुइफु। थ्व स्वाभाविक खः थें ताः।

छम्ह वरिष्ठ च्वमिया च्वसुया समीक्षा वरिष्ठतयसं जक यायेफइ, यायेमाः धइगु मदु; वरिष्ठताया नामं न्हपुस्तायात लसकुस मयायेगु ज्या जुइमज्यू थें च्वं। न्हूम्हं जुइवं व अयोग्य वा योग्य हे जुइ धइगु छुं निश्चित आधार नं दइमखु थें च्वं। न्हूम्हेसित नं वयागु प्रतिभा ब्वयेगु अवसर बी माः। थथे अवसर बिल धाःसा न्ह्यागु नं क्षेत्रय पुस्तान्तरणया अभ्यास जुयाच्चनी, जुयावइ। न्हू प्रतिभात जन्म जुयाच्चनी।

सन्दर्भ छगू न्ह्यथने

बलिउडया महानायक अमिताभ बच्चन न्हून्हीपिं निर्देशक तयेगु निर्देशनय् फिलिमय् मिहताः वयाच्वंगु भीसं खनाच्चनागु जुल। थ्व छगू खँ न्ह्याम्हेसिनं नं न्ह्यागु नं क्षेत्रय नं आत्मसात् याना कायेमाःगु खँ थें च्वं। अथे न्हून्हीपिं कलाकारत न्ह्यःने थने हयाच्वंगु नं भीसं खंकेफु।

नेपालभाषा साहित्य ख्यलय् समिक्षक व समालोचकया अभावया खँ वयाच्चनी वनाच्चनी। तर थुजागु ज्याइवलं न्हूपिं समिक्षक वा समालोचकया जन्म जुइगु संभावना यक्व दइ धाःसा थ्व संभावनां भीगु

साहित्य ख्यःयात यक्व लबः अवश्य दइ धइगु भलसा भीसं कायेथाय् दु।

छम्हं समिक्षक वा समालोचकं ब्वःगु धारणा वा दृष्टिकोण च्वमिया लागि पाय्छि जुइ धइगु नं मदु। थुकी सहमति असहमति दया हे च्वनी। सल्हाः साउतीं परिमार्जनया अवसर नापं च्वमिया बिचाःया सवाः अफ पाःख वनी थें ताया।

छुं नं सफू ब्वनेबलय् च्वमिया ख्वाः मखु च्वमिया खँ बिचाः व अनुभूति ब्वनेगु खः उकि दुनेया गहनता व हसना थुइका कायेगु खः। यद्यपि ब्वनामि ख्यलय् च्वमिया आकर्षणं प्रभाव लाका च्वनेफु थ्व मेगु पक्ष जुल।

थ्व जिगु अभिव्यक्ति टिप्पणी जक धाःसां छुं पाइमखु। समालोचकीय दृष्टीपात थुकी दयेफु तर समालोचकीय सिद्धान्त वा अवधारणा दुने मलायेफु।

बाखं च्वमि यज्ञरत्न धाख्वाःजुया पिदंगु चिबाखं सफू दुनेया छगु बाखंयात कया कुलेगु ज्याया अवसर बियादीगुलिं ग्वसाः खलःयात सुभाय् बियाच्चना। नापं चिबाखं कुलेबलय् ग्वसाः खलः पाखें यानातःगु इनापय् बाखंया थीथी पक्ष कुलेतः धाःगु जुल।

बाखंयात कुलेबलय्

भाषाशैली, संवाद, पात्रचयन, बिम्ब प्रतिक, परिवेश व उद्देश्य स्पष्ट जुइकथं खँ तयेत इनाप यानातःगु जुल।

तर थ्व बाखंयात कयाः थन छुं न्ववाये न्ह्यः थ्व बाखंया सारसंक्षेप भतिचा कनेमाल धइथें च्वं।

थ्व बाखंया सार थथे दु।

बाखंया नां

यःमह पासाया पौ

बाउराजा व राजेन्द्र मचाबलय् या पासा। निम्हेसिया इहिपा छगू हे दैय् जुइ। इहिपा जुया छुं दिं लिपा बाउराजा थःगु पुख्यौली थाय् त्वःताः मेथाय् च्वंवनी। भिदं ति लिपा छगू भवजय् नाप लाइबलय् राजेन्द्र बाउराजायाके न्यनी - छं इहिपा यानाम्ह मयजु गथे च्वं ? मचा ग्वम्ह दत धका... तर उगु इलय् हे लिसः बीत ज्यामछिं थें तायेका बाउराजां छुं नं लिसः बीमखु। छाय् की बाउराजाया इहिपा जूम्ह मयजु चच्छि जक च्वनाः थःछैं वंम्ह लिहां हे वइमखु। ला लां दैंदं तक नं वं थः मिसायात त्वःमंके फइमखु। यक्व लिपा छन्हु बाउराजाया मेम्ह पासा धिरेन्द्र नाप लाइ। गुम्हेसियां छम्ह तान्त्रिकया



ग्वहालिं मेम्हेसिया कलाः ब्वाकेहःगु जुयाच्चन। धिरेन्द्रया सल्लाह कथं बाउराजा नं वहे तान्त्रिकया थाय् वनां थः मिसायात थःगु छैय् लित हइ। बाखं थन हे क्वचाइ।

विषय प्रवेश

भाषाशैली

भाषा शैलीया सन्दर्भय् थ्व बाखनय् वाक्य विन्यासय् माधुर्यता खना। बुलुहुं न्ह्याःवनाच्वंगु खुसिचा थें। गनं हथाय् पहः मकयसे। बाखं च्वमिया केमेस्ट्री भीसं खना थें।

संवाद

संवादया खँवः छ्यलाय् मौलिक नेवाः खँवःया छ्यला त्वःवनापुसे च्वं। गुलिखे खँवःत नेवाः ख्यलं त्वःमंके धुंकूगु थेंजाःगु दूगु जुल। उकिया छु यलाबुला च्वमिपाखें बाखंया लैपुं हाकन लित हःगु धइगु बांलाःगु खँ तायेकाच्चना। उदाहरणया लागि

लम्फत ज्वःगु लासा ...यचिं ब्याकेगु ...दक्षिणरिखेया छगू गां ...बर्ग्या (थौकन्हय् बाडेगाउँ धाइ) घौछी ई...अन बसत नं चताकं मवं ...धुवांधू सःतके छ्वलं हे मवःमह...चिवाः कायेगु इत्यादी

पात्र चयन

जि पात्र बाउराजा... पासा पात्र राजेन्द्र... मिसा पात्रयात नां छुनातःगु मदु। सम्बोधन मिसा व मयजु यानातःगु जुल... मेम्ह पात्र धिरेन्द्र व धिरेन्द्र मार्फत तान्त्रिक बिखु च्यामी

पात्रया चरित्र चित्रण वा स्वभावया वर्णन बाखंचु कथं यायेमाः, म्वाः धइगु खँ च्वमिया लेखकीय आवश्यकता वा अनावश्यकता दुने लाइगु जुल तर मिसापात्रया सौन्दर्यया बखान चाइ यानातःगु जुल।

विम्बप्रतिक

च्वमिं थाय्थासय् विम्ब छु यलाः थःम्हं धायेत्यंगु खँ क्वातुक व प्रभावकारी कथं छ्यलातःगु जुल। दसुया लागि.... धौबजि वाल तिनि ... छं कपाः कयेकुंकल...नुगलय् लेहं मपुइक थात ...थवंथवय् दथुइ यचिं ब्याकागु मदुनी...थुथाय् दना बिइगु तृष्णा मनूया जैविक तृष्णा खः ...जिके दूगु धैर्य ब्यना वल। धायेमाल धाःसा व जि नाप मदया जि लखं पिनेलाःम्ह न्याथें फाताफात मिइ...जिगु छ्यैनय् तबला थात इत्यादी। थ्व विम्बत गनथाय् छु सन्दर्भय् छ्यलाः तल थ्व सीकेगु ज्या ब्वनामियात हे त्वःताच्चना।

परिवेश

थ्व बाखंया रचनाकाल खुदं न्हय्दैं न्ह्यःयागु जक जूसां थुकिया परिवेश थुकी छ्यलाःतःगु भाय् घटनाक्रम भौगोलिकता व थाय् विशेषया नांयात कयाः दुवालेबलय् थनी पीदैंसिबें न्ह्यःया परिवेश खंकेफु।

उद्देश्य

थ्व बाखंया उद्देश्ययात बिचाः यायेबलय् थुकियात सामाजिक दृष्टिकोण चेतना दृष्ट्याः वा रुपान्तरण आदि इत्यादिया उद्देश्य गौण धाःसां पाइमखु। थ्व बाखंयात शैलीगत रुपं छगू पौयात माध्यम दयेका कनातःगु छगू असमंजसया मोनोलग अर्थात् वैयक्तिक आत्मलाप जक हे खः। आत्मतुष्टिया लागि च्वयातःगु छपु बाखंया रुपय् जिं खंकाच्चना। थ्व जिगु दृष्टीदोष नं जुइफु। मत भिन्नताया थःगु अस्तित्व ला दइगु नं जुल।

तान्त्रिक पात्रयात दुतिनातःगु धइगु अन्धविश्वासया खँ मजूसें तत्कालीन नेवाः समाजया चित्रण धाःसां ज्यू। उकिया सान्दर्भिकता थौकन्हय् नं नेवाः समाजय् त्यंदनि धाःसां पाइमखु। स्विनिगःया पलिस्था हे तन्त्रया आधारय् यानातःगु धाइ।

समग्रय्

थ्व बाखनय् छपु बाखनय् दयेमाःगु elements त दु। बाखंया प्रस्तुतिइ ब्वनामियात क्रमश उत्सुक यायां खँवः व घटना वर्णनया सिखलं मचायेक बाखं क्वमचातले चिनाः यंकेफूगु थ्व बाखंया विशेषता जूगु जुल। बाखंया दथुइ वयाः ब्वनामितयगु न्ह्यपु मज्जा नक्सां चाहिकातःगु नं दु। उकिया धकिं उलिबलय् तिनि ब्वनामिं थुइकाः काइ। व छु खँ धइगु खँ सिइकेतः बाखं हे ब्वन

धाःसा भन मज्जा पिहांवइ थें ताया।

यद्यपि थ्व सफूयात चिबाखं सफू धयातःगु जुल। तर थ्व बाखं घोषित चिबाखं जक जूल थें च्वं। थौया खँचु थन बाखं छु चिबाखं छु धकाः तिफ्यायेगु अवश्य मखु। अथेसां चिबाखं छु धकाः छकूचा दसु ब्वयेगु सान्दर्भिक जुइगु तायेकाच्चना। चिबाखं छु, गथे जुइमाः धइगु खँयात कयाः छम्ह निम्ह विद्वानतयगु धापू जक ब्वयाच्चना।

चिबाखंया अर्थ

● नेपाली बृहत् शब्दकोश अनुसार -“लघुया अर्थ छोटो वा सानो। कथातत्त्वले पूर्ण भएका ससाना कथा, छोटो कथा” - धकाः बियातःगु जुल।

● छगू पानाया आयामय् विस्तारित, निसःत्या खँवःदुनेया चिहाकःगु आख्यान हे चिबाखं खः - रोनाल्ड वालेस

● छगू मिनेटया बाखंयात चिबाखं धार्इ - आर.होगार्ट १९१८-२०१४ British richard hoggart

● पलखं हे विचार व भावया प्रभावकारी विस्फोटन जुइफइगु दुने अणुसामर्थ्य दूगु चिहाकःगु बाखं हे चिबाखं खः - दयाराम श्रेष्ठ

च्वये न्ह्यब्वयागु छुं छुं परिभाषाया आधारय् समग्रय् चिबाखंयात भीसं सूत्रात्मक, चिहाकःगु आकारय् , सांकेतिक, विम्बात्मक जुइमाः धइगु आग्रहयात नालेमाःगु खनेदु।

क्वचाः पाः

बाखं दुनेया असमंजस लुइकाबलय् असमंजस थ्व बाखंनय् छु यलाःतःगु छगू खँवः खः। अले थुकिया अर्थ। छुयाये गथेयाये। दोधारै। ज्यामछिंगु अवस्था। ध्वाःमथूगु। अनुचित। असंगत इत्यादी

ध्वाथुइकेबलय् साक्क नया च्वनागु ज्यना बेलिइ फिगःचा छाः न्ह्यल ला धइथें च्वं। यद्यपि थ्व खँवलं मूलपात्र बाउराजाया अवस्थायात बांलाक उलेतः ताःलागू दु। तर थ्व खँयात ग्वालि तःज्यागु खँ जक थें नं जक नालाः कायेमाली मज्यूला ?।

हनेबहःम्ह बाखं च्वमि यज्ञरत्न धाख्वाःजुया पिदंगु चिबाखं सफू दुनेया छपु बाखंयात कया कुलेगु ज्याया अवसर बियादीगुलिं ग्वसाः खलःयात हाकनं छकः सुभाय् बियाच्चना। नापं न्यनामि सकलयात नं सुभाय् बियाच्चना।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरिङ पनि गरिन्छ।

हरेक मंगलवाः

राष्ट्रियताको लागि समर्पित



मेरो साप्ताहिक

मन्त्र साप्ताहिक

Mero Saptahik

मालाः मालाः ब्वनादिस्सं।

डा. निराकारमान श्रेष्ठया “संघर्षदेखि सफलता”



लहना वाःपौ/वरिष्ठ मनोचिकित्सक व नेपाल सरकारया पूर्व स्वास्थ्य सचिव डा. निराकारमान श्रेष्ठया सफू “सङ्घर्षबाट सफलता - जीवनका अनुभव र अनुभूतिहरू” पिदन। ४२ दै मानसिक स्वास्थ्य ख्यःलिसे ५२ दैया चिकित्सा ख्यलय सक्रिय डा. श्रेष्ठ थःगु पूर्खा, मचाईनिसें थौतकया जीवनया थय्याःक्वथ्याः थःगु थुगु आत्मकथा सफुतिइ च्यादीगु दु। सफू पिथना ज्याइवःया मूपाहां वरिष्ठ बालरोग व जनस्वास्थ्य विशेषज्ञ डा. बद्राज पाण्डे पदंगु सफुति न्ह्यु पुस्तायात लै क्यनीगु खँ न्ह्यथनादिल।

सफूया समालोचना यानादीमह संसद सचिवालयया पूर्व सह-सचिव तोयानाथ भट्टराई आत्मकथा इमान्दार जुयाः च्यादीगुया प्रशंसा यासें सफू ब्यक्तियागु खःसां थुकिं नेपाःया हे

स्वास्थ्य ख्यःया तथ्य न्ह्यब्ययाच्चंगु खँ तयादिल।

ज्याइवल्य पाहापिं खाद्य प्रविधि विशेषज्ञ, पूर्वाञ्चल विश्वविद्यालयया पूर्व उपकूलपति प्रा. जगतबहादुर के.सी., नेपाल सरकारया पूर्व स्वास्थ्य सचिव रामचन्द्र मान सिंह, सफूया सम्पादक लक्ष्मण अधिकारी भिंतुना न्वचु तयादीगु खः। च्वमि डा. श्रेष्ठया काय् डा. सन्तोषमान श्रेष्ठ लसकुस यानादीगु थुगु ज्याइवल्य सफू मूपाहां व पाहापिंपाखें उलेज्या जुगु खः।

ज्याइवःया ग्वसाः व सफू पिथनादीमह डा. श्रेष्ठया जहान शक्रराज ट्रपिकल तथा सरुवा रोग अस्पतालका पूर्व निर्देशक डा. कोकिला श्रेष्ठ खःसा भाषा शुद्धी रोहिणी प्रसाद धिमिरें स्वयादीगु खः। सफू पिथना ज्याइवः सञ्चारकःमि सुरजवीर बज्राचार्य न्ह्याकादीगु खः।

नेपाल सरकारया स्वास्थ्य सेवाय् ३६ दै सेवा यानादीमह डा. श्रेष्ठ “आफ्नो मूल थातथलो, बाल्यकाल, ऊ बेलाको समाज, कलेज जीवन, डाक्टर बन्न लखनऊतिर, सरकारी जागीर, धनकुटाको संस्मरण, दाङ अस्पताल, भक्तपुर गएपछि विद्रोह, नसोचेको कार्यालयमा दुई वर्ष, जोमसोम पुगेर टेकु, अचानक साइकियाट्रीतिर, मानसिक स्वास्थ्य सेवा, लण्डनमा थप अध्ययन, स्वास्थ्य मन्त्रालयको अनुभव, विदेश भ्रमणका स्मरणीय क्षण, केही महत्वपूर्ण अनुभव, उपचारमा विद्यमान समस्या, मानसिक स्वास्थ्य सेवा सुदृढ गर्ने उपाय, आफूले अनुभव गरेका केही स्वास्थ्य समस्या, जीवनका तीन खतरनाक दुर्घटना, नीजि तथा पारिवारिक सन्दर्भ, जनचेतनासम्बन्धी लेख, साहित्यिक सिर्जना, मेरो वंशावली” शीर्षक बियाः थीथी उपशीर्षकय् थःगु जीवनया संस्मरण लिपिवद्ध यानादीगु खः।

४०० पाः पौ दुगु थुगु सफू न्ह्यः नं च्वमि डा. श्रेष्ठ १० मानसिक स्वास्थ्य सम्बन्धी सफू चवयादीधुंकुगु दुसा मानसिक स्वास्थ्य सम्बन्धी लेख रचना नं थीथी पत्रपत्रिकाहरुमा नियमित च्वयाच्चनादीगु दु।

थौकन्हे त्रिपुरेश्वरय् थःगु हे क्लिनिक स्वास्थ्य सेवा बियाच्चनादीमह डा. श्रेष्ठयात मानसिक स्वास्थ्य ख्यलय ह्युपाः थनादीमह न्ह्यलुवाःकथं कायेगु याः।

दिलबहादुर मानन्धर लुमंकाः मुँज्या



लहना वाःपौ/ नांजाःमह समाजसेवी दिलबहादुर मानन्धर मद्गु भिंस्वन्हुया पुण्यतिथिइ वंगु शुक्रवा बिचाः मुँज्या जुल। १३ वडाया थीथी संस्था जानाः गठन यानातःगु ‘हाम्रो समाज’ नांगु संस्थाया ग्वसालय् समाजया न्वकु वीरेन्द्र बहादुर थपलियाया सभापतित्वय् ज्याइवः जूगु खः। ज्याइवल्य राष्ट्र बैंकया पुलांमह गभर्नर दिपेन्द्र बहादुर

क्षेत्री, भाषा आयोगया दुजः सुरेश किरण, १३ वडाया वडा अध्यक्ष धुवनारायण मानन्धर, कवि लिसें गणेशदेवी फाउण्डेसनया नायः स्नेह साय्मि व संकल्प बचत सहकारीया अध्यक्ष उत्तमलाल जोशीपिसं मद्गुमानन्धरया थीथी ब्यक्तित्वयात कयाः बिचाः प्वकादीगु खः। ज्याइवल्य आपालं भाषासेवी लिसें वडावासीया उपस्थिति दुगु खः।

उदेन न्हू साय्मिया जहान मन्त

लहना वाःपौ/ नेवाः पत्रकार राष्ट्रिय दबूया पुर्व महासचिव उदेन न्हूसाय्मिया जहान गीता मानन्धर आकाभाका मन्त।

क्यान्सर जुयाः म्ह मफयाच्चमह पत्रकार साय्मिया जहान मानन्धर ५० दैय् मद्गु खः। वासः यायेगु इवल्य हरिसिद्धी क्यान्सर हस्पितलय् मद्गु खः।

मद्गुहेसिया अन्त्येष्टि वंगु शुक्रवाः कंगय् याःगु खः।

पूर्व महासचिव मानन्धरया जहान मद्गु दुःखय् नेवाः पत्रकार राष्ट्रिय दबुलिं सोमवाः बिचाः हाय्कूगु



दु। दबूया ज्यासना पुचः मानन्धर क्रिया च्वनाच्चंगु थाय् लुतिइ वनाः बिचाः हाय्कूगु खः।

“थीथी भासं लुयावःगु भाव” सफू पितब्वज्या

लहना वाःपौ/अनुसन्धाता व साहित्यकार मय्जु डा. जुही बज्राचार्य (गुभानी)या च्वसां पिज्वःगु थीथी भासं लुयावःगु भाव स्वंगू भाषाया सफू पितब्वज्या जूगु दु। प्रभा-विलास पिथनापाखें थुगु सफू ने.सं. ११४५ कछलागा दुतिया कार्तिक २१ गते शुक्रवाः यँया रक्तकाली कुलाभुलुइ च्वंगु च्वसापासाय् पितब्वज्या जूगु खः।

उगु सफू पितब्वज्या ज्याइवल्य बरिष्ठ साहित्यकार काशीनाथ तमोट सभानायः जुयादीगु खः। ज्याइवल्य मूपाहां कथं साहित्यकार बाखं च्वमि मय्जु सुवर्णकेशरी चित्रकार भ्रायादीगु खःसा सफूया उलेज्या वय्कलं हे यानादीगु खः।

जुही बज्राचार्य (गुभानी)या स्वंगू भासं पितब्वज्या जूगु उगु सफू दुनेया नेपालभाषाया चिनाखें साहित्यकार



शशीकला मानन्धरं वाचन यानादीगु खःसा कवयित्री प्रतिसरा साय्मिं खस भाषाया चिनाखें वाचन यानादीगु खः। थ्वहे इवल्य अंग्रेजी भासं पिदंगु सफू दुनेया चिनाखें कवयित्री रजनी मिलां वाचन यानादीगु खः।

अथेहे, ज्याइवल्य भाषा आयोगया दुजःलिसें साहित्यकार सुरेशकिरण मानन्धरं पितब्वज्या जूगु

सफूयात कयाः कुलादीगु खःसा डा. पुष्पराज राजकर्णिकारं समीक्षा यानादीगु खः।

ज्याइवःया लिपांगु ब्वय् सभानायः बरिष्ठ साहित्यकार काशीनाथ तमोट थःगु नुगःखँ तयाः ज्याइवः क्वचायेकादीगु खःसा ज्याइवः बरिष्ठ साहित्यकार लिसें गजलकार भुषणप्रसाद श्रेष्ठ न्ह्याकादीगु खः।

मंकाः खलः यलं प्यम्हेसित हनीगु

लहना वाःपौ/ नेपालभाषा मंकाः खलः यलया वइगु शनिवाः जुइगु प्यक्वःगु तःमुँज्याय् प्यम्ह ब्यक्तित्वपित हनीगु जूगु दु।

यल महानगरपालिका १६ वडाया संयोजनय् म्हाँत २५ द्रः तकालिसंया हना भाषापाखे लोक बहादुर शाक्य, संस्कृतिपाखे हरिराम

जोशी, संगीतपाखे अमरराज शर्मा व कला बत्सगोपाल वैद्ययात लःल्हाय्गु क्वःज्यूगु नेपालभाषा मंकाः खलः यलया नायः हिराकाजी महर्जन कनादीगु दु। भाषा, जाति, कला, संस्कृति संरक्षण व सम्बर्द्धन यायेगु तातुनां यलय् मंकाः खलः ने.सं. ११०० स स्वंगु खः।

ब्रह्मा देगः

देगः खुग्गु शताब्दीनिसें न्हय्गुगु शताब्दीया दथुइ निर्माण जूगु अनुमान यानातःगु खः। देगःया बनावट व प्रकृति सम्बन्धी दस्तावेज मल्लुलिं जगया आकृति, छ्यलातःगु निर्माण सामग्रीया आधारय् पुरातत्वविद्दतय्सं देगःया रेखाङ्कन याकाः पुनर्निर्माण

याःगु खः।

प्रहरीया संरक्षणय् दूगु देगःदुने च्वंगु चतुर्मुख ब्रह्माया मूर्तियात पञ्चाङ्ग निर्णायक समितिं ब्यूगु साइत कथं थ्व हे वंगु कात्तिक १७ गतेया साइतय् प्रहरी परिसरपाखें रथारोहण यानाः देगलय् यंकाः पुनर्स्थापना याःगु खः।

‘पुस्तकालय : अध्ययन संस्कृतिका आधार’ पिदन



लहना वाःपौ/पुस्तकालयविद् जुजुभाइ डंगोलया सफू ‘पुस्तकालय

: अध्ययन संस्कृतिका आधार’ वंगु शुक्रवाः पिदन। सफूया बागमती

प्रदेश मुख्यमन्त्री इन्द्रबहादुर बानियाँ, काठमाडौं उपत्यका सार्वजनिक पुस्तकालयया संस्थापक नायः डा. नारायण खड्कालिसंया विशिष्ट ब्यक्तित्वपिसं उलेज्या यानादीगु खः।

काठमाडौं उपत्यका सार्वजनिक पुस्तकालयया २२ क्वःगु दैमुज्याय् उगु सफू पिदंगु खः। ज्याइवल्य पुस्तकालयया न्वकू पूर्वमन्त्री याङ्किला शेर्पा, पुस्तकालयया नायः डा. गोविन्द राज पोखरेलपिसं नुगःखँ तयादीगु खः।

प्रचलित नेपाललिपिं पिहाँ वयाच्चंगु म्हसीका लय्पौ ब्वनादिसँ/ब्वंकादिसँ

महसीका लय्पौ

MHASIKA Monthly | म्हसीका मासिक




मि
तु
ना
देख

स्वीप्यदं न्ह्यः पलिस्था जूगु अमेरिकाया ऐतिहासिक नेवाः संस्था

नेपाः पासा पुचः अमेरिकाया

स्वीप्यक्वःगु तःमुँज्याय् नायः थें जाःगु गरिमामय पदय् निर्विरोध निर्वचित ज्वीत ताःलाःम्ह हनेबहःम्ह **मयजु शान्ति श्रेष्ठ** जुयात व सकल दुजः पुचःयात भित्तुना देछाना ।

दुबइलय् जूगु न्याक्वःगु तःमुँज्याय् **विश्व नेवाः संगठन "हलिं नेवाः दबू"** या नायः थें जाःगु गरिमामय पदय् निर्वचित ज्वीत ताःलाःम्ह

नेपाः पासा पुचः अमेरिकाया पूर्वनायः हनेबहःम्ह **माजु मनोहर लाल श्रेष्ठ** जुयात व सकल दुजः पुचःयात भित्तुना देछाना ।

मिंतुना देखःपिं

नेपाः पासा पुचः अमेरिकाया सम्मानार्थ संरक्षकपिं

दुर्गालाल श्रेष्ठ
(जनकवि)

मदनकृष्ण श्रेष्ठ
(ख्यालिजुजु)

हरिवंश आचार्य
(वरिष्ठ कलाकार)

राजभाइ जकःमि
(लोककवि)

Congratulation



“भाषा म्वाःसा जाति म्वाइ”

नेपालभाषा मंकाः खलः यल
Nepal Bhasha Manka Khala Yala

मंकाः दबूछें, त्यागः, पिलाछें, यल ७

खना-पौ

भाषा, जाति, कला, संस्कृति संरक्षण व सम्वर्द्धन यायेगु

मू आज्जु ज्वना मदिकक न्ह्यानाच्वंगु

नेपालभाषा मंकाः खलः यलया

मिंयक्वःगु तःमुँज्या

ज्याइवलय् भायादीत दुनुगलनिसें इनाप यानाच्वना ।

ज्याइवः

दि : ने.सं. ११४६ कछलागा एकादशी

२०८२ कार्तिक २९ गते शनिबाः

ई : सुर्थासिया ११:३० ताःइलय्

थाय् : नेपालभाषा मंकाः खलः यल

त्यागः, पिलाछें, यल

हिराकाजी महर्जन

नायः

नेपालभाषा मंकाः खलः यल

त्यागः, पिलाछें

नोट : ने.सं. ११४६ थिलाथ्व द्वितीया

२०८२ मंसिर ६ गते शनिबाः,

सुथय् ८-२ ताःइलय् तक मतदान

दुनुगलनिसें बिचाः हायेका



बुदिं

२०२७/०४/०२



मदुमह धर्म महर्जन



मदुगु दिं

२०८२/०७/०९

थुगु थँबही तजः त्वाःया दुजः दिवंगत **धर्म महर्जन**

थ्वहे कार्तिक ९ गते आकाभाकां मदुगुलिं जिपिं मर्माहत जुयागु दु ।

मदुमह महर्जनया सुखावति भुवनस बास लायेमा व

दुःखकःपिं सकल छँजःपिसं अनित्य संसार लुमंकाः नुगः ची फयेमा धइगु मनंतुसें

दुनुगलनिसें बिचाः हायेकाच्वना ।

थँबही तजः देपुजा गुथि खलः

चयलुबि, ठमेल-२६

कार्तिक मसान्त भित्र मतदाता नामावलीमा नाम दर्ता गराऔं ।

- २०८२ साल फागुन २१ गते हुने निर्वाचनमा मतदान गर्न कार्तिक मसान्त भित्र मतदाता नामावलीमा नाम दर्ता गरौं,
- नाम दर्ता गर्न १६ बर्ष उमेर पुगेका र नेपाली नागरिकताको प्रमाण पत्र प्राप्त गरेको हुनु पर्दछ,
- नाम दर्ता गर्न <https://applyvr.ecn.gov.np> मा लगइन गरी अनलाईनप्रणाली मार्फत फारम भर्न सकिन्छ,
- आफुलाई पायक पर्ने निर्वाचन कार्यालयमा गएर जैविक विवरण (फोटो, औठाछाप) दिनु पर्दछ,
- आफु बसेको स्थानबाटै मतदान गर्ने भए बसाइँसराइको प्रमाण पत्र अनिवार्य पेश गर्नु पर्दछ,
- १८ बर्ष उमेर पुरा भएका नेपाली नागरिकताको प्रमाण पत्र प्राप्त प्रत्येक नेपाली नागरिकले मात्र मतदानमा सहभागी हुन पाउनेछन्, **मतदान गर्नु नागरिकको अधिकार मात्र होइन कर्तव्य पनि हो, तसर्थ फागुन २१ को निर्वाचनमा मतदान गर्न तयार होऔं ।**



नेपाल सरकार

विज्ञापन बोर्ड



छत्रपाटी निःशुल्क चिकित्सालय (अस्पताल)

“स्तरिय शलभ स्वास्थ्य सेवा सकसिया त्रिति, असहायता त्रिति जक निःशुल्क”

उपलब्ध सेवा

उद्देशी घण्टा सेवा

- इमरजेन्सी
- प्याथोलोजी
- एक्स रे
- ई.सी.जी.
- बीषधि परखन
- जन्तरंग सेवा
- सिटी स्नयान

शल्यक्रिया

- गोतिमिन्
- ज्वरक वंशरी
- नाक काट घाँटी सम्बन्धि
- हाडकोली तथा मसल सम्बन्धि
- बिना विरधार पिसाक नलीको पत्तर सम्बन्धि

बहिरङ्ग सेवा

- मुटु रोग
- फेफ रोग
- मुटुकोलीको
- स्त्री रोग
- बाल रोग
- कवाम्बर रोग
- कल रोग
- अर्वा रोग
- ज्वरक मेडिसिन
- खम तथा घाँटी रोग
- नाक काट घाँटी रोग
- ज्वरक हन्त जक अण
- नाइरोइड
- मधुमेह

नेमिम् सेवा

- ड्रेसिङ
- इन्फ्रस्ट्रक्चोपी
- कोलोनीस्कोपी
- फिजियोथेरापी
- ब्रुज्राइफ्ट, क्लर डेनर र इको
- इरोपीनी स्तरको इन्त प्रयोगखाना
- टि.एम.टि. हल्टर




२४ घण्टा

इमरजेन्सी सेवा

७०६ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९